



Ikamva-Ukunonophela
abantwana bethu

IsiKolo seCawa 2

**Isihloko sesifundo: UYesu uqalisa ukufundisa esidlangalaleni -
Abafundi bokuqala**

Isikhokelo soMzali

Isikolo seCawa saseKhaya



Mzali Othandekayo

Wamkelekile kwisifundo sesiKolo seCawa esithi **“UYesu uqalisa ukufundisa esidlangaleni - Abafundi bokuqala.”**

Olu xwebhu luya kunika isikhokelo esingekuphi ngendlela oza kusenza ngaso isifundo.

Uzilungiselela usibeke njani na isifundo

Ngezantsi kukho amanye amacebiso endlela onokusilungiselela usenze ngawo isifundo:

Inyathelo	Omakukwenze
1.	Fikelela kwikhasi lebandla eliTsha lobuPostile ngokufaka okanye ucofe kwikhonkco elilandelayo elisuka kwi-WhatsApp: https://bit.ly/3NACSSHS
2.	Qokelela ezi zixhobo zilandelayo ukuze uqiniseke ukuba usilungele isifundo: • iBhayibhile • Isifundo esikwimo yePDF esele ilungisiwe • Incwadi yomsebenzi womntwana kunye neepensile, iikhrayoni, njl. • Isiqwana sevideo sisixhobo esongeziweyo / sisixhobo esongezelweyo sokuzikhethela Qaphela: 2.1: Elona xesha lifanelekileyo ekufundiseni isifundo kusemva kwenkonzo yakusasa ngeCawa ukugcina inkqubo eqhelekileyo yesiKolo seCawa. 2.2: Nceda usenze sigqale kumxholo (sibe sifutshane) kangangoko, ucingele ixesha labo lokukwazi kwabo ukuphulaphula (ukugxila kwisifundo) sabantwana bethu-umazi kakuhle umntwana wakho! ISikolo seCawa ngokwesiqhelo asidluli kwimizuzu engama-45. 2.3: Isifundo seseklasini ngaye (Umzekel. SS, RI okanye Isiqinisekiso). 2.4: Nceda unxibelelane notitshala wesiqinisekiso ukuba ufuna naluphina uncedo okanye ufuna nasiphina isixhobo kwezi zingasentla.
3.	Thandaza (jonga umthandazo osekupheleni kolu xwebhu) kwaye ucele uThixo ukuba akusebenzise njengesixhobo sokuzisa isifundo ngendlela ayakuthanda ukuba sisenze ngayo.



Ukwenza iSifundo seSikolo seCawa ekhaya

Uzilungiselela usibeke njani na isifundo

Siyaqhubekeka ukwabelana ngamacebi athile ngendlela esinokuthi silungiselele ukwenza isifundo:

Inyathelo	Omakukwenze
4	Dala indawo yokufunda emnandi, engenasiphazamiso apho wena nabantwana nikwinqanaba elifanayo. Umzekelo: Hlalani phantsi okanye ningqonge itafile.
5	Funda isifundo. Phinda ufunde isifundo ukuze usiqonde. Bukela isiqwana sevideo sesifundo ukufumana ulwazi olungcono lwesifundo.
6	Zenzele amaqaku kwiingongoma ezibalulekileyo ongathanda ukuzikhumbula.
7	Yiqonde injongo yesifundo ekufuneka sikhunjulwe ngumntwana wakho.
8	Fundisa isifundo kumntwana wakho.
9	Mbonise umntwana wakho ivideo kwaye uphinde ugxininise kwintsingiselo.
10	Jolisa umntwana wakho kumsebenzi okwincwadi yomntwana
11	Thandaza, okanye ucele umntwana wakho athandaze ukuvala isifundo.

Izixhobo ezifumanekayo ngokweSikolo saseKhaya

Nazi izixhobo zokuphucula umgangatho wesifundo:

1. Incoko ka-WhatsApp ngesifundo kunye nolunye usapho olunomntwana okwisiKolo seCawa 2.
2. Xoxa ngesifundo nabanye abazali ukuze ufumane ingcaciso ngokubhekisele kwisifundo ngaphambi kokuba usifundise.
3. Zive ukhululekile ukwenza olwakho uphando ukumana iinkcukacha (ezongelelekileyo).



Isifundo

Isihloko seSifundo	UYesu uqalisa ukufundisa esidlangalaleni -Abafundi bokuqala
Isicatshulwa seBhayibhile	Yohane 1: 35-51
Injongo yesifundo	Abantwana bayabona ukuba iNkosi uYesu inamandla amakhulu kwaye njengoNyana kaThixo uYesu uyasazi nathi.

Isishwankathelo sesifundo:

- UYohane umBhaptizi wazisa abantu ngoMhlawuleli ozayo.
- Ngomhla emva kokuba uYohane umBhaptizi ebhaptize uYesu, wayemi apho nabafundi bakhe ababini.
- Ondele kuYesu njengokuba wwyedlula, wathi, Nantso iMvana kaThixo.
- Ke kaloku bathe abafundi ababini bakaYohane bakuva oku, bamlandela uYesu baba ngabafundi baKhe.
- Omnye wabo, uAndreya, weza kuYesu umntakwabo uSimon.
- UYesu wondela kuye, wathi, "Wena unguSimon, unyana kaYohane; Uya kubizwa ngokuba nguKefas ". Oku kukwafana nnakuPetros kwaye kuthetha ukuba "liliwa". UYesu wayemazi uSimon.
- Ngengomso uYesu wafumana uFilipu, wathi kuye, Yiza undilandele. UFilipu waye ngowaseBhetesayida, idolophu awayehlala kuyo uAndreya noSimon Petros.
- UFilipu wafumana uNataniyeli, athi kuye, Lowo uMoses wabhala ngaye emthethweni, kwanabaprofeti, simfumene, uYesu waseNazarete, unyana kaYosefu.
- "Ingaba ikhona into elungileyo enokuphuma eNazarete?" Wabuza uNathanayeli. UFilipu waphendula wathi kuye, "Yiza ubone."
- UYesu akumbona uNataniyeli esiza kuye, wathi, "Nanko umSirayeli oyinyaniso, akukho sono kuye".
- UNathanayeli wayechukumiseke kakhulu kukwazi ukuba uYesu uyamazi nokuba uYesu uyakwazi ukubona entliziyweni yakhe.
- Wamamkela uYesu Kristu njengoNyana kaThixo, waza wamlandela.

Sithetha ukuthini esi sifundo kuthi namhlanje?



- NjengoNathaniyeli, abanye abantu bafuna ubungqina ngaphambi kokuba bakholwe. Xa sixelela abahlobo bethu ngokholo lwethu, singabamema ukuba beze enkonzweni baze kubona.
- Kwakungummangaliso kuNathaniyeli ukuba uYesu wamazi kwaye wambona entliziyweni yakhe. Ngale mimangaliso siwabona amandla kaYesu. Sikwafumana nemimangaliso eyomeleza ukholo lwethu.
- UYesu nguNyana kaThixo kwaye uyasazi. Ngamandla aKhe angaphakathi uYesu watsalela kuye abafundi bokuqala. Nangoku uYesu utsalela abantu kuYe.

Kholwa ukuba uYesu nguNyana kaThixo kwaye uyakwazi ngegama. Uyazazi iintliziyozethu.

Eminye imibuzo esinokuyibuza:

1. Ngubani owazisa abantu ngokuza koMhlawuleli?

Impendulo: NguYohane uMbaptizi

2. Gama lini uYesu awalinika umzalwna kaAndreya, uSimon?

Impendulo: UKefas - kuyafana nakuPeter elithetha “iliwa”

3. Yintoni eyamenza uNathaniyeli akholelwe ukuba uYesu nguNyana kaThixo?

Impendulo: UYesu wamazi kwaye wabanako ukumbona entliziyweni yakhe

Umthandazo kaTata noMama wokuthandaza ngaphambi kwesifundo:

Thixo othandekayo, enkosi ngale mini

Sikelela bonke abazali kunye nabantwana

Kunga singeva ubukho bakho

Sikelela isifundo esiya kuba naso

Nceda usifundise sikukhonze njani

Kwaye sincede senze intando yakho

Ukuze sisondele kufuphi kuwe

Thumela uYesu ukuze asiphuthume

Kwaye kwanga singakulungela ukuhlangana naYe

Amen